

**ORATIO FRANCISCI
BOCCHIJ, DE
LAUDIBUS
IOANNAE
AUSTRIAE, QUAE...**

Francesco Bocchi



FRANCIS

1871

1871

ORATIO FRANCISCI BOCCHII

DE LAUDIBVS IOANNAE AVSTRIAE,

QVÆ NATA REGINA VNGARIÆ, ET BOEMIÆ,

INFELICI PARTU MORTEM OBIIT.



NGENS luctus brevis lætitiæ volup-
tatem, quam fore diuturnam crede-
bamus, vt videtis honestissimi viri,
subsecutus est; Tantoq; grauior ille
incidit, quantò spes erat amplior, nū-
quam esse nobis occasionem defutu-
ram, quæ nos præcipuis in bonis,
perpetuisq; vitæ contineret. Doloris,
& lacrimarum causæ conqueuerant,
nullus iam belli timor, nulla molestia
solicitabat, omnis pestilentiz suspiciò, quæ nos diu, multumq;
torserat, extincta erat, nullaq; re quietum orium interpellante,
vnusquisque, vt quàm lætissimam vitam duceret, suo commodo
cogitabat. Meministis non dum vertente anno cùm esset auctus
filiolo Magnus Dux, quanta lætitia tora vrbe agitata sit, quanto-
pere viri boni cæterarum rerum obliti sese gaudio extulerint,
quàm omnes mortales singularem in suæ Reipubl. caput volun-
tatem patefecerint; vt id bonum, quod multis rebus fortuna cu-
mularat extincta Magni Ducis coniuge, lætissima femina gra-
uiore dolore casus hic acerbissimus obrueret. Fuit eiusmodi hoc
vulnus, vt re ipsa experimur, vt magnitudini doloris conceden-
dum sit, & mætori succumbendum; eas enim lacrimas, quas
paulo antegaudio profudimus, importunè nunc acerbis Ioan-
næ Austriæ interitus ad luctum repetiuit. Sed vereor, ne hic ipse
dolor, qui vos omnes tantopere percussit, me vehementius affi-
ciat, quàm vt vestræ expectationi, & tanto muneri, silentioq; non
possim satisfacere. Opprimat ille cogitationes sua magnitudine,
& consilium peruertit, vt nisi me copia singularium virtutum

huius nobilissimæ mulieris reuocaret, & vt bono essem animo quodammodo moneret, valde mihi timendum eiset, ne rem tantam sustinerem. Sed turpe mihi mehercule ducō, cū fuerit tam fortis hæc mulier, atque omni tempore cū omnibus virijs pro virtute bellum gesserit, ne animi mollitia deficere, atque has partes, quas suscepi, non aliqua constantia exiguo tempore tueri. Non mediocris est virtutis vis, sed magna, atque incredibilis non solum in viris, verum etiam in feminis, vt qua parte infirmitate animi laboramus, ipsa vt iunget, præsto sit, secundisq; rebus, & aduersis, cū res postulat, medeatur. Animi, non viribus corporis est opus, vt cuncta rectè administres; & quamquam imbecillitas hæc terrena te afflicet, magno tamen animo, & forti, quæ tibi aduersantur, potes superare. Virtus enim, nisi tibi hostis esse vis, tacitis vocibus hortatur, vt alto animo, & excelso sis, atque ea omnia despicias, quæ inani honore, populari, gloria celebrantur. Enituit tanta hæc virtus in Ioanna Austria præcipuo quodam modo, & singulari; quæ cū Regina nata esset Vngariæ, & Boemiæ, Ferdinadi Imperatoris filia, Maximiliani Imperatoris soror, nepotemque ex fratre iam haberet Imperatorem, & Carolum Quintum Imperatorem maxima totius familiæ gloria vidisset, agnouit illa quidem tantos honores, tantas dignitates, veruntamen non eò vsque opinione muliebri sese extulit, vt constantiam, honestatem, modestiam, cæterasq; virtutes cunctis fortunæ bonis non haberet cariores. Hac perenni animi inductione, contestataq; virtute sese ita gessit per triginta annos, vt & nobilissimi generis haberet rationem, & animum ad cælestes dignitates exerceret. Fuit enim natura mitis, forma eleganti, & pulchra tranquillo vultu, & modesto, quem mens placida fingeat; tantaq; oris dignitate, vt nihil, nisi egregium; nisi honestum, nisi altum, dum adesset, posses cogitare. Cum singulis ita loquebatur, vt verba eius testimonia diceres; quæ verò promittebat, aut affirmabat, ita re præstare religiosè, tamquam aram teneris, consueuerat. Vestris oculis viri optimi vidistis, neque aliorum testimonio indigetis, quàm cassè, quàm pìd magitudo, & grauitati familiæ moderata sit, & quantopere ea, quæ alij ferunt laudibus in cælum, pro nihilo duxerit, & fortiter contempserit. Et enim circumfluens rerum omnium copia regalibus in sumptibus fuit minimo contenta, magnisq; in facultatibus tenuissimo cultu

cultu vsa est, & cū multa traherent ad laudem huius vitæ, ad gloriam, cuncta tamen ipsa ad Nostri Seruatoris splendorem, dignitatemq; reuocabat. Nutus ipse integerrimæ mulieris verba erant, & voces, quibus totam cohortem ad virtutem incendebar, vt, cū se vultu commouisset, omnes ad probitatem, ad sanctitatem morum se conuerterent. Illud autem est præter cætera cunctis admirabile; Numquam ad luxum ingentes opes, quæ fuerunt illi attributæ, sed ad frugalitatem, ad rationem, ad Christianam pietatem, quam toto pectore semper coluit, prudentissimè descripsit. O singularem præclaræ mulieris constantiam. O animi firmitatem, innocentiamq; prædicandam? Magna cum laude in hominum usu, magnaq; cum prudentia medijs in cohortibus versata est; vbi odiosa est grauitas, & periculosa seueritas; frons omnium iucunda, animus insidiosus; opertæ blanditiæ, assentatio perniciosa, atque vbi nullam esse causam mali suspicaris, ibidem plerumque occasionem exitij reperias. Sanctis illa lectionibus dedita totos dies absolvebat, repetitaq; sanctarum virginum memoria, & cælestium virorum vita multis verbis celebrata, ad eorum se mores ardenti pietate conformabat. Quæ cæcitate homines, quibus vitiorum tenebris, dum suas sequuntur cupiditates, obruuntur? Quibus se scelorum mæandris, & voluptatum laqueis circumdant, dum proiectis præsidijs virtutis totos se inertij tradunt, suæq; peruersitati turpissimè committunt? Victrix hæc mulier vitiorum, & scelorum ita semper præstrato acerrimo hoste superior discessit, vt hanc ipsam, quæ tam fortiter, tam constanter sese gessit, admirari, intueri, atque imitari omnes iure optimo iam debeant. Hæc est illa, quæ singulari sapientia prædita integerrimæ vitæ constantia cunctorum hominum beneuolentiam collegit: Hæc est illa, quæ cū suis in regionibus, ac sedibus castissimè vixisset, hanc nostram patriam non generis nobilitate tantum, sed splendore et vitæ, ac sanctitate illustrauit: Hæc est illa, quam extræ nationes colunt, sui venerantur, quæq; nullorum laborum, nullarum molestiarum recusatione cum suum virum ad extremum usque spiritum summa esset obseruantia profecuta, eidem, cunctisq; mortalibus huius florentissimæ ciuitatis propter egregias animi virtutes ingentem luctum, & diurnas lacrimas reliquit. Nullum incommodum præclara hæc mulier vquam recusauit, vt sacras ædes frequentaret, & dies festos animi

munditia, atque in hoc ætate obiret, ut per sepe spiritibus sanctis tempestatibus neglectis, grauiq; cœlestis comitante cohorte se reciperet, ubi nostro Seruatori, sanctissimæq; eius Genetrici pro animi salute supplicaret. Spartæ, ut memoriæ proditum est, sic flagellis ad aram pueri accipiebantur, ut multus sanguis non sine vitæ periculo è visceribus exiret, atque id, ut Dianæ, id est, ut maleficę superstitioni satisfaceret. Nobis verò, ut satis Nostro Seruatori faciamus, ut Dei filio, ut diuinę felicitatis auctori obsequamur, qui labor, quæ plaga, qui dolor recusandus est? caduca ibi bona: hic autem perpetua aguntur: ibi hominum leuium, hic mandata Dei Opt. Max. curantur: ibi de terrenis solum, hic autem de rebus cœlestibus semper agitur. Ad luxum cohors, ad leuitatem hominum cupiditas, ad perniciem animi corporis imbecillitas impellit: hæc verò Augustissima femina, & sanctissima frugalitatis sibi, constantiæ, roboris præsidium aduocans spectantibus omnibus, atque videntibus modestia, & patientia bonis viris frequenter, sed multò magis Deo se, & mirabiliter probauit. O felicem mulieris conditionem? O vitæ castissimæ integritatem exoptandam? O dies nunquam pro ipsius animi salute frustra absumptos? O mortem nimis læuam, & acerbam, nobisque omni tempore memorabilem? Quis tibi aditum aperuit, ut in arctus castissimos furenter te immitteres? Quis permisit, ut tibi in eius vitam tantopere liceret, cuius mens omnes scelerum impetus iam fortiter propulsarat? Non ne iam vides omnium animos, qui te hoc viuo exemplo ad virtutem erigebant, temollefcere, et quod est nobis magno dedecori tribuendum, turpiter effœminari? Psallere, & saltare, & tripudijs iuuenilibus nunquam penè delectari (solet hæc ætas esse eiusmodi, ut omnium deliciarum, & voluptatum illecebras profundat) sed grauius cum viris esse, religiosis, pijs crebrò, maximamq; vitæ partem vidimus traducere. Parce de se ipsa, de virtute multa loquebatur. Non cantus pueriles, non lus populi, sed cœlestes voces, & dulcia acroamata Evangelicę veritatis in eius ore versabantur. Ut iam tota cohors, (quam ipsa, simulatq; pedem limine extulerat, ad virtutem inflammabat) non se mulierem, sed castissimę mentis, & sanctissimę exemplar intueri fateretur. Magna illa spectauit semper, sibiq; animo fixerat (cùm esset nata nobilissimo genere, ut scitis) amplitudinem multò maiorem, quàm quæ ab Austrio sanguine posset proficisci,

si cisci, altissimam quandam animi exaggerationem, quæ non in his rebus caducis, sed diuinis habitaret, ut se ipsa sine venditione, & sine populo teste perpetuo frueretur. Hominum conuentus, & multitudinem fugere non poterat, sed vultus dignitate quicquid solet cohortium relaxare licentia, & morum singularem exemplo astringebat: ut peregrinari in plurimorum virorum celebritate, & stipata satellitum cateruis excelsa animo solitudinem captare videretur. Non illi Lucretiæ, aut Virginiæ propter exemplum obuersabantur, sed eas, quas diuina lege Nostri Seruatoris videbat commendari, colebat vehementer; damnataque cupiditatem prauitate expressam in se veræ virtutis effigiem, non adumbratam aliquam imaginem gloriæ perfecerat. Vim honestatis primis temporibus ætatis pænè cum lacte sugere, & se castissimis in rebus exercere consuevit; multoque vehementius impuritates, quàm pestem, quàm mortem inductione animi horrebat; ut dubitare debeat nemo, quin animus nullo vitio maculatus, qui veræ laudis vim imbiberat, & cœlestem probitatem degustarat, in eo iam fortiter maneret, quod videret omnium vocem comprobari. Nusquam profecto deprauatus animus consistit, semper se sollicitat, semper errat, pati pænè nihil potest, sibi quæ ipsi nunquam satisfacit, optat immoderata, suoque magno malo nunquam cupere desistit. Venit Florentiam summa omnium expectatione e Germania, longinquis ex locis ad virum totius Italiæ nobilissimum, magno, atque honorifico comitatu; nihil illa vniuersum, quam per tot annos in tanta fortuna ad leuitatem, nihil ad luxum, nihil ad muliebrem vanitatem concupiuit; eodem vultu, eadem oris dignitate, eadem modestia eam animi grauitatem semper præstitit, quam intulit primò in hanc urbem. Cuius aduentu cum se omnes ex hilaratos effecissent, iidem nunc tam repentino interitu, atque acerbo lacrimis, & luctu se grauissimè commotos esse dicunt. Quis enim tanto robore vniuersum præditus fuit, tanta constantia, tanta fortitudine, qui se tanto hoc malo non angretet, tanta calamitate non affligeret? Quis ex tanta lætitia, ut nobis evenit, tantum vniuersum cecidit in luctum? Quis cum magna bona in posterum se visurum iudicaret, sua spe deceptus, tam singulari detrimento, atque incredibili afflictus est? Quis Amisimus, mihi credite, materiam, ac segetem modestiæ, probitatis specimen, pudiciæ columen, & totius virtutis exemplum;

ve cum illa præclare, nobiscum tamen male omnino actum esse fateamur. Vos autem sanctissimi mores, qui dum viveret hæc præstantissima mulier tantopere floruitis, sentire iam hoc tanto fulmine cœpistis, quàm vestra auctoritas, vestra dignitas, vestra sit gloria imminuta, & quàm spes omnis maximo sanctitatis detrimento conciderit. Intuemur vestigia hanc vitam relinquentis, prosequimur oculis adhuc integritatem; tacito ore, sed animi vocibus incredibilem innocentiam requirimus; victoq; gaudio exultat luctus, qui profecto, quicquid erat in nobis lætitiæ, lacrimis detergit, & depascitur. Squalent nunc hominum cupiditates, quæ se ad probritatem tantæ virtutis imitatione exercebant; lugent sacri Oratores, qui piam alacritatem, contentionemq; dicendi tam importuna morte amiserunt; sollicito desiderio ipsa propemodum templa sese cruciant, suisq; sedibus celebritatem, decus, dignitatem imminutam esse dolent. Sed magna mercede mehercule tantæ virtuti summus hic honor, summa hæc gloria tribuitur. Etenim quod grauiores hostes, quibuscum dimicandum est, atque aciores sese offerunt, eò profecto, si viceris, maiores laudes assequeris. Tribuit natura mulierum corpori tenerum quiddam, & molle, multoq; magis, quàm in uiris enervatum; & non mediocri contentione sit utendum, si quid debent in virtutis operibus commorari. Fluunt voluptate animi, & delicijs liquefcunt, & quo nolunt nonnunquam cupiditatis ardore auferuntur, præsidiaque virtutis, quæ solent esse tantopere salutaria, ut quandoque expetiti sumus, parùm profunt. Præsto est præterea mollicies, quæ ab animi robore abducatur: furtim obrepit libido, quæ fibras omnes honestatis, & continentię incidat: non deest hominum peruersitas, quæ animi patientiam, & firmitatem tetter, & oppugnet; ut nisi constantia quædam singularis cœlesti se gratia tueatur, magnum sit periculum, ne sæuissimi hostis, atque acerrimi insidijs succumbat. Quoties libido exardescit, & cupiditas concitatur, quæ nostros sensus illecebris, & voluptatis dulcedine prolecat? Sed in artem, id est ad diuinum prælidium confugiendum est, & cœlestia arma, quibus te tueate, induenda, ut hæc præstantissima scœmina, & sanctissima singulis diebus facere prudenter consuevit. Magnis in ducibus efferendis locorum difficultas, militum labor, angustię rei frumentarię, & mille pericula proponuntur; Sed in seruanda castitate, in retinenda constantia

tantia quot offensiones, quot labores, quot molestiæ sese cunctis
fœminis proponunt? Vt quæ tanta mala, tanta exitia vicerit, quæ
virtuti aduersantur, non aliquid humanum, sed diuinum tenta-
re, atque aggredi omnino videatur. Huiusmodi hæc præclara
mulier periculis septa, scelorumq; temptationibus appetita, cum
ad numen vnus Nostri Seruatoris confugisset, insidiosas dimica-
tiones sapienter elusit, omnesq; minas forti animo contempsit.
Ad aram genitricis Nostri Seruatoris salutem suam, vt ita dicam
anhelantem mori propemodum vidimus supplicando: cum pas-
sis manibus, incredibili animi contentione, vt grata essent Dei
Opt. Max. voluntati, quæ faceret, flagitabat; neque illa ad tem-
pus, aut leuitatis, & gloriæ causa hæc fingeat, sed corde, mentis
firmitate, vero vultu, quem animus sine fūco, sine fallacijs expri-
mebat, omnes suos sensus in conspectum diuini numinis profun-
debat. Quid ego de sacris virginibus salutandis plura dicam,
quàm sibi in hoc studio non parceret, quàm omnes labores, om-
nes molestias exorberet, vt eorum commodis, quæ angustè aleban-
tur, sua præsentia, suisq; opibus seruiret? Quo ardore, qua pietate
ad peregrinationem illam, quæ tota Italia, aut cunctis potius in
terris celeberrima semper fuit, sua sponte se commouit? Fanum
illud Lauretanum, quod omnibus mortalibus religiosum maxi-
mè habetur, & loci sanctitate admirabile, præcipuis quotidie lau-
dibus efferri, & celebrari audiebat. Ad famam igitur tanti nomi-
nis excitata exarsit eius desiderio videndi, & à suo viro postulauit
(cui sic omni tempore sua modestia obsecuta est, vt etiam diuinæ
legi satisfaceret: ita temperatè ad hæc, vt à Deo se nunquam re-
moueret) vt eò cum honestissimo comitatu eius voluntate ire pos-
set. Quid ego apparatus, quid dona opulentissima, quid indu-
striam officiosam, quid comites magnifico cultu exornatos di-
cam? Ita iuuenes iter faciebant, vt virilem grauitatem præfer-
rent; Ita mulieres suo ordine incedebant, vt spirare probitatem,
& religionem viderentur; Ita viri omnes vultu auctoritatem reti-
nebant, vt sentirent nihil esse eis cordi, nisi quod mulieri pruden-
tissimæ placeret. Quo illa affectu, quo gemitu, quo studio, qui-
bus pietatis flammis sanctissimo in templo genitricis Nostri Serua-
toris supplicauit? Repetebant memoria maiores natu, complu-
res se vidisse, qui eius loci visendi, & pietatis causa venissent, qui
verò tanta religione, tanta mansuetudine, tam demissè, tam piè
adorasset,

adorasset, ut hanc feminam Augustissimam intuebantur, se neminem vidisse affirmabant. O mulieris tam teneris in annis felicem gravitatem? O labores, piasque sollicitudines cunctis seculis laudabiles? O nos miseros à tanta probitate, à tanta virtute derelictos? Amplexari mehercule diuinum numen, suumque animum in Dei conspectum ad aram effundere videbatur, cum dignitatibus neglectis, & imperijs, se vnam animi salutem sitienter, & diuitias celestes petere profiteretur. Id autem, quod dico cum aliis multis rebus, tum eo ipso tempore, cum pæne animam ageret, factum esse scimus. Quoties corporis dolor castigatus animi robore obmutuit? Quoties cum faces intentaret, virili quadam constantia oppressus est? Laborabant artus acri quodam morfu, & cruciatu viscera atdebant, mortisque minæ iam intentabantur, iam nullus partus, sed tristis desperatio erumpebat, cum ipsa summa pietate numen Nostri Seruatoris inuocans de animi salute, non de vitæ remedijs sollicita cunctis sensibus ad eum, qui genuerat, singulari quadam caritate ferebatur. Obstupuerant, qui modebatur qui eius voluntati inseruiebant, se ipsos afflictabant, omnesque præterea, qui Magnū Ducē tā tristi spectaculo moerentē viderant, magnam sibi misericordiam, cunctaque cohorti tribuebant. Iam corpus dolore obriguerat, & spem vitæ penitus abiecerat, iam morientes voces exaudiebantur, cum ipsa magno animo supplicibus precibus Deum Opt. Max. rogauit, ut se omni vitiorum suspicio ne per sacerdotem expiaret, ut omnia Sacramēta, quæ ab Ecclesia morituris tribuuntur, diuino munere assequeretur; Voti que compos cum omnium hominum egestates Francisco Medici viro suo, quem vnice dilexerat, sanctissime commendasset, ad cælum, ut boni viri putant, ad diuinas sedes, ad suos necessarios, qui non hominum consensu, sed Maximorum Pontificum sanctissima auctoritate in Diuorum numerum relati sunt, celeri cursu euolauit. Firmum animum, semper eundem, fortem, & constantem ex eo tempore, quo in lucem edita est, erectum ad virtutem, ad egregias artes incitatum perpetuo tenore conseruauit; ut cum eius vita integerrimè acta nescio quid diuinum oleret, & cœleste, quis iam potest dubitare, quin victis vitijs, comitante modestia, præstantissimisque moribus ferētibus eò peruenerit, quod boni omnes iisdem rebus se peruenturos esse arbitrantur? Hoc autem virtutis viuum exemplum nobilissimi viri, qui huc pietatis, & officij causa conuenistis,

uenistis, non frustra, sed sapientissimè propositum esse nobis debemus cogitare, ut iam sedato dolore, atque abstergis lacrimis, vestigia sanctitatis, integritatis, pudicitiae, virtutis imitemur. Homines enim, qui in excelso loco vitam agunt, quiq; ad virtutem singulis horis se conformant, nō sibi ipsis solum viuere, sed quicquid faciunt, nobis singulari quodammodo præcipere videntur; ut in hac Augustissima femina, & nobilissima factum est, quæ compluribus liberis relictis, atque in his præclaræ indolis filio-
lo, deuictisq; sceleribus, & vitijs, magno honore, præstantissimis comitata virtutibus, animoq; lætanti, triumphum ad cælum gloriose deportauit. Dixi.



Handwritten text in a cursive script, likely from a 17th or 18th-century manuscript. The text is arranged in several lines across the top of the page.



Handwritten text in a cursive script, continuing from the top section. The text is arranged in several lines across the middle and lower sections of the page. There is a significant stain or tear in the paper near the bottom center of this section.